



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kurtze Beschreibung Deß Lebens/ Thaten und Wunderwercken Deß Seligen Joannis Francisci Regis Priesters der Gesellschaft Jesu

Rassler, Maximilian

Dillingen, 1716

§. XCIV. Decretum Clementis XI. S.P. von Seligsprechung Joannis Francisci
Regis der Societet Jesu Priesters.

urn:nbn:de:hbz:466:1-43634

§. XCIV.

Decretum Clementis XI. S. P. von Ses-
ligsprechung Joannis Francisci Regis der
Societet JESU Priesters.

Clemens Papa XI.

Ad perpetuam rei memoriam.

VIros gloriosos, qui divites in virtute,
adepti sunt gloriam in conversatione
gentis, hoc est: Sanctos, & Electos
Domini, quos clarioribus multiformis suæ
gratiæ charismatibus exornavit Divina digna-
tio, laudandos esse monet Spiritus Sanctus;
Decet siquidem eis, quos æternus Judex im-
marcessibilis gloriæ coronâ donat in cœlis, &
quorum Sanctitatem sequentibus signis testa-
tam facit in terris, debitæ venerationis cul-
tum etiam à fidelibus exhiberi, ut sapientiam
ipsorum narrent populi, & laudem eorum
nuntiet Ecclesia. Hos inter cùm longè, la-
tèque refulserit Dei Servus JOANNES
FRANCISCUS REGIS Sacerdos Profes-
sus Societatis JESU, qui nimirum virtute in-
dutus ex alto, portansque jugum ab adole-
scentia sua, Pœnitentiæ austeritatem cum in-
nocentiæ candore usquequaque conjunxit: ac
jugiter dilatante cor ejus Spiritu Sancto, in

℞ 3

omni-

omnibus exhibuit seipsum sicut Dei Ministrum, in multa patientia, in tribulationibus, in necessitatibus, in angustijs, in plagis, in laboribus, in vigilijs, in jejunijs, in scientia, in suavitate; præcipuè verò in charitate non ficta, qua in DEum & proximos mirabiliter æstuavit; Apostolici muneris, quod Nos, viribus licèt, & meritis longè impares, gerere voluit Altissimus, ratio exigit, ut illius honorem, ac venerationem ad Omnipotentis Dei gloriam, Catholicæ Ecclesiæ decus, Christianique populi Spiritualem ædificationem, quantum Nobis ex alto conceditur, promovere studeamus. Cùm itaque maturè, diligentèrque discussis, atque perpensis per Congregationem Venerabilium Fratrum Nostrorum, S. R. E. Cardinalium Sacris Ritibus præpositorum processibus ritè, ac rectè confectis super vitæ sanctitate, & virtutibus heroicis, quibus idem Servus Dei JOANNES FRANCISCUS multipliciter claruisse, nec non miraculis, quæ ad ejus intercessionem, & ad manifestandam hominibus illius sanctitatem à Deo patrata fuisse assererentur, eadem Congregatio coram Nobis constituta, auditis etiam Consultorum suffragijs, uno Spiritu, unaque voce censuerit posse, quandocumque Nobis videretur, prædictum Servum Dei BEATUM declarari cum consuetis indultis. Hinc est, quòd Nos pijs,
atque

atque enixis quàm pluriùm Venerabilium Fratrum Archiepiscoporum, & Episcoporum Regni Galliarum, ac potissimùm Provinciæ Occitaniæ, nec non dilectorum filiorum Magistratuum, Procerum & Populorum Provinciæ hujusmodi, ac totius insuper Societatis JESU supradictæ supplicationibus (quas dudum, etiam claræ memoriæ Ludovicus XIV. dum viveret, Francorum Rex Christianissimus devotarum suarum precum accessione roboraverat) Nobis super hoc humiliter porrectis paterna benignitate annuentes, de memoratorum Cardinalium consilio pariter, & assensu, auctoritate Apostolica, tenore præsentium indulgemus, ut idem Dei Servus JOANNES FRANCISCUS REGIS in posterum BEATI nomine nuncupetur, ejusque corpus & Reliquiæ venerationi fidelium (non tamen in processionibus circumferenda) exponantur; Imagines quoque radijs, seu splendoribus exornentur, ac de eo recitetur Officium & Missa celebretur de Confessore, non Pontifice singulis annis, juxta Rubricas Breviarij & Missalis Romani, die XXIV. Maij, cum dies XXXI. Decembris, quâ ipse Servus Dei spiritum Creatori reddidit, & aliæ plures illam subsequentes, ut notum est, impeditæ reperiantur. Porro recitationem Officij, & Missæ celebrationem hujusmodi fieri concedimus in locis duntaxat

R s

infra

infra scriptis, videlicet : in oppido de *Fonce-
uverte* Narbonensis Diœcesis, in quo dictus
Servus Dei Natus est, in Pago *Lalovesci* Vi-
ennensis Diœcesis in Delphinatu, unde ad *Ca-
los* avolavit, & ubi venerabile ejus Corpus re-
quiescit, ac in civitate Aniciensî, in quâ plu-
rium annorum spatio, & penè usque ad suum
obitum habitare consuevit, ab omnibus utrius-
que sexûs Christi Fidelibus, tam Sæcularibus,
quàm Regularibus, qui ad horas Canonicas
tenentur, nec non in universa Societate præfatâ,
& quantum ad Missam attinet, etiam à Sacer-
dotibus ad Ecclesias ejusdem Societatis conflu-
entibus. Præterea primo duntaxat anno à da-
tis hisce litteris, & quoad Indias à die, quo
eadem litteræ illuc pervenerint, inchoando,
in Ecclesijs Oppidi, Pagi, Civitatis & Societa-
tis hujusmodi respectivè solemnia Beatifica-
tionis ejusdem Servi Dei cum Officio & Missa
sub Ritu duplici Majori, die ab Ordinarijs re-
spectivè constitutâ, & intra sex menses pro-
mulganda, postquam tamen in Basilica Prin-
cipis Apostolorum de Urbe celebrata fuerint
eadem Solemnia : pro qua re supradictam
diem XXIV. currentis mensis Maij assigna-
mus, pariter celebrandi facimus potestatem.
Non obstantibus constitutionibus, & ordina-
tionibus Apostolicis, ac decretis, de non cul-
tu editis, cæterisque contrarijs quibuscun-
que.

que. Volumus autem, ut earundem præsen-
tium litterarum transumptis, seu exemplis
etiam impressis, manu Secretarij Prædictæ
Congregationis Cardinalium subscriptis & Si-
gillo Præfecti ejusdem Congregationis muni-
tis, eadem prorsus fides ab omnibus, & ubi-
que tam in judicio, quàm extra illud habeat-
ur, quæ ipsis præsentibus haberetur, si fo-
rent exhibitæ, vel ostensæ. Datum Ro-
mæ apud Sanctam Mariam Majorem, sub an-
nulo Piscatoris, die octavâ Maij. M. DCC. XVI.
Pontificatûs Nostri Anno XVI.

F. Card. Oliverius.

ORATIO.